



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 42. Christiani sub Musulmannis perfecutionem patiuntur.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

At quidam Episcopus, nomine Anam-
badius, juvenis & optimæ formæ, jubente
Munuza Arabum Duce vivus flammis
traditus est. Hic Munuza, qui plures
Christianos neci dedit, ab illo Munuza,
de quo paulo superius loquebamur, al-
lius est.

§. XLII.

*Christiani sub Musulmannis persecu-
tionem patiuntur.*

Christiani etiam in Oriente persecu-
tionem patiebantur. Califa Soli-
mannus anno Hegiræ 99. Jesu Christi
717. e vita decessit, habuitque Succes-
sorem Omarum, propinquum suum.
Solimanno regnante Masalmas seu Mus-
sima frater ejus Constantinopolim obse-
dit; sed obsidionem solvere probrose
coactus est 15. Aug. 718. postquam tota
classis periit. Quod Græci S. Virginis
Intercessioni in acceptis retulerunt. Eo-
dem anno, cum validus terræ motus Sy-
riam concussisset, inde Califa Omarus,
captata occasione, lege promulgata ca-
vit, ut in urbibus omnes vino abstine-
rent. Idem multos Christianorum per-
vertit; nam Apostatas a dandis tributis
eximebat, & constantes in Fide morte
afficiebat. Hinc multi Martyrii Coro-
nam adepti. Item prohibuit, ne testi-
monium hominis Christiani contra Mu-
sulman-

Sæcul. VIII.
A. C. 723.Theoph.
p. 334.

Tt 5. fulman-

Sæcul. VIII.

A.C. 723.*Elmac. c. 15.**Elmac. c. 15.**p. 77. v. Bibl.**Orient.**Dem/chal.**p. 191. Sc.**Jahia. p. 741**Sup. n. 12.*

fulmannum reciperetur, deditque ad Imperatorem Leonem Epistolam Dogmaticam, persuasurus, ut Religionem Mahometis amplecteretur. Quippe nemo Omaro superstitioni Mahometanæ addictior fuit. Ipse consuetudinem, juxta quam ejus Antecessores Ali anathema dicebant, abolevit. Post ejus mortem in ipsius intimo conclavi inventus est funis suspensus, quo orando defatigatus corpus sustentabat.

Christiani Civitatis Damascenæ Omarum adierunt, querentes, quod ejus Antecessor sibi Ecclesiam S. Joannis eripisset, cum magnum Musulmannorum templum conderet, & exhibentes Epistolam Chaledi, qui Musulmannorum nomine Damascum primus occupaverat, quibus fidem dabat, Christianorum Ecclesias nec claudendas nec destruendas esse. Omarus eandem pecuniam, nimirum quadraginta millia *Dinars*, quam Ovalidus dare voluerat, obtulit; sed Christiani eam accipere recusantes obtinuerunt, ut spatium, quantum Ecclesiæ fuisset, sibi redderetur, nam templum veteri Ecclesia majus erat. Id factum Musulmannis non probabatur, & aliquis eorum objecit, pacta cum Chaledo inita ad illam solum urbis Damasci partem pertinere, quæ acceptis conditionibus ultro deditioem fecisset, in altera vero civitatis

tatis Regione, quæ armata manu supera-
 ta fuisset, Ecclesiarum omnium possessio-
 nem Musulmannis vindicari debere. Post-
 quam diu multumque litigatum, inter
 partes convenit, ut possessio totius Ec-
 clesiæ S. Joannis Musulmannis compete-
 ret, ceteræ autem Ecclesiæ omnes Chri-
 stianis concederentur. Hoc pacto inito
 litteras hujus rei testes Omarus Chri-
 stianis dedit, quæ etiam ad Monasteria
 extra urbem & Ecclesias vicinas conven-
 tionem hanc extendebant. Ceterum
 Omarus, cum non plus annis duobus &
 mensibus quinque regnasset, anno He-
 giræ 101. Jesu Christi 720. fatis fun-
 ctus est.

Sæcul. VIII.
 A. C. 723.

Musulmanni.

Theoph. an. 4
 p. 336.

Successit *Yezid*, Abdelmerici filius,
 Solimanni frater, qui regnavit annis qua-
 tuor. Anno Regni ejus secundo extitit
 aliquis Sycophanta Syrus, qui dicens, se
 esse Messiam Filium Dei, Judæis illudit.

Elmac. c. 16.
Theoph. ibid.

Exinde duobus annis elapsis, nimirum
 anno 723. huic non absimilis præstigia-
 tor Califæ Yezid flagitiose imposuit. Is
 erat Judæus ex urbe Laodicena in Phœ-
 nicia, habens domicilium Tiberiade,
 cognomento *Saranta Pechis*, id est, lin-
 gua Græca tunc vulgari quadraginta
 cubitorum, verisimiliter quod homo lon-
 ga statura esset. Ad Califæ conspectum
 admissus, cum nota ipsi esset Prineipis
 hujus levitas, locutus est in hunc mo-
 dum:

Id. conc. 7.
Act. 5. tom.
 p. 386.

Sæcul. VIII.

A. C. 723.

dum: *Maxima, O Princeps! qua te depereo, Charitas me impellit, ut tibi aperiam modum facilem, quo tibi Regnum in annos triginta asseras.* Califa, cui vita, & voluptate nihil carius erat, respondit, *facturum se, quidquid suasset.* Tum Judæus: *Jube conscribi Epistolas, in omnes provincias imperii tui delegendas, in quibus mandata contineantur, ut omnes picturæ, quæ in Ecclesiis Christianorum sunt, sive in tabulis ligneis, sive in muris opere vermiculato, aut in vasis sacris deleantur, omnia Altarium ornamenta tollantur, sicut etiam omnis generis imagines, quæ in foris publicis ad decorandas civitates conspiciuntur.* Hunc articulum addidit nequam, ut odium singulare in Christianos tegeret. Califa fidem impostori habuit, & promissos sibi annos sperans missis in omnes provincias mandatis, Sacras Imagines ceterasque cujuscunque figuræ effigies destrui jussit. Christianis fugientibus, ne sanctas Imagines suis manibus delere cogerentur, Emiri seu Præfecti ad hoc mandatum curandum missi, utebantur opera Judæorum & Arabum, qui imagines comburebant, & vel illinebant parietes, vel picturam radebant. Anno sequente ille ipse Califa Yezid mortuus est, anno 724. Hegiræ 105. ejusque filius Ovalidus, qui demum

demum post annos viginti ad Regnum Sæcul. VIII.
 pervenit, Judæum parentis sui decepto- A.C. 723.
 rem probrosa morte sustulit. Proximus
 vero Yezidi Successor fuit Hichamus
 frater ipsius Abdelmerici filius, qui Sa-
 cras Imagines restitui concessit; ad ali-
 quas etiam Civitates Yezedi mandata
 necdum delata fuerant.

§. XLIII.

Leonis Isauri initia.

Imperatorem Leonem sub initia Regni Theoph. ans.
 Judæi admodum sibi infensum sense- 6. p. 336.
 runt. Nam anno 722. Regni sui sexto
 coegit, ut baptizari se paterentur. At
 ipsi deinde lavabant corpora quasi ab-
 stersuri Baptismum, & manducabant,
 priusquam Eucharistiam sumerent. Mon-
 tanistas quoque vi adegit, ut baptizari
 se sinerent, qui desperatione acti præsti-
 tuto die in Ecclesiis suis se ipsos concre-
 marunt. (*)

Idem Imperator offensus, quod pro-
 hibente Summo Pontifice Ecclesias in
 Italia, sicut in aliis locis faciebat, suis
 divitiis spoliare sibi non liceret, sæpius
 structis

(*) Tam in Judæos quam in Montanistas
 præter sanam rationem & Ecclesiæ Catholicæ
 Spiritum exarsit Leo.